

Lé Seigneu et Lé Dragon par Charlie Le Maistre

I' y'a d's années dans chute p'tite, belle île
Un vilain dragon tch'aimait mangi les gens
Maraûdait à travèrs d'la campagne

Chu dragon 'tait féroce
Chu dragon 'tait fin
Chu dragon 'tait hardi, hardi malin

Un brave Seigneu en Nouormandie, il en ouï pâler
Et auprès avait pâler auve sa bouonnefemme
Décidit qu'i' veindrait pouor résoudre l'affaithe

Chu dragon 'tait féroce
Chu dragon 'tait fin
Chu dragon 'tait hardi, hardi malin

I' ramâssit son valet fiabl'ye et toutes ses armes
I' viagîtent par baté à travèrs d'la mé
Et bêtôt il' arrivîtent sus les sablions d'or dé Jèrri

Chu dragon 'tait féroce
Chu dragon 'tait fin
Chu dragon 'tait hardi, hardi malin

Par monts et par vaux i' chassaient l'Dragon
Auprès un p'tit brîn i' l'trouvîtent
Dans eune d'sèrtéthie à l'Ëst.


Chu dragon 'tait féroce
Chu dragon 'tait fin
Chu dragon 'tait hardi, hardi malin

Il' eûtent eune grand' batâle, et
À la fin, lé Seigneu tuit l'dragon
Et i' li copit la tête horte du dragon.

Chu dragon 'tait féroce
Chu dragon 'tait fin
Chu dragon 'tait hardi, hardi malin

Auprès l'combat l'Seigneu 'tait lâssé
I' s'èrposit dans la bouaïs'sie
Et bêtôt i' dormait bein

Chu valet 'tait fichu
Chu valet 'tait fin
Chu valet 'tait hardi, hardi malin



Sans brit lé reintchivâle valet
Prînt lé sâbre du Seigneu
Et i' bigorgit l'Seigneu endormi

Chu valet 'tait fichu
Chu valet 'tait fîn
Chu valet 'tait hardi, hardi malîn

Il entèrrit l'corps dans la bouaîs'sie
Èrtouônnant à la Danme du Seigneu
l'li dit qué san maître avait té tué par lé dragon

Chu valet 'tait fichu
Chu valet 'tait fîn
Chu valet 'tait hardi, hardi malîn

l' li dit qu'ch'tait li tch'avait tué l'dragon
Et lé drein souhait du Seigneu
Ch'tait qu'sa veuve mathyîsse lé valet

Chu valet 'tait fichu
Chu valet 'tait fîn
Chu valet 'tait hardi, hardi malîn

La Danme d'Hambye s'accordit
Et les deux d'ieux lus mathyîtent
L'valet prînt la pliaiche du Seigneu

Chu valet 'tait fichu
Chu valet 'tait fîn
Chu valet 'tait hardi, hardi malîn

Mais eune niet l'valet cryit dans ses rêves
"J'ai machacré man maître!"
Et la Danme lé ouï.

Chu valet 'tait fichu
Chu valet 'tait fîn
Chu valet 'tait hardi, hardi malîn

Lé matîn oulle enfachit lé valet
l' confèssit san péché
Et fut exétchuté pour lé meurtre du Seigneu

Chu valet 'tait gourmand
Chu valet 'tait bête
et achteu chu valet est souos la bliête.

Go to the [Learn Jèrriais website](http://www.learnjerriais.org) to find the audio version of this...

www.learnjerriais.org

